

松  
壽  
堂  
詩  
鈔

松壽堂詩鈔卷八

貴陽陳夔龍筱石

北門集

起己酉十一月  
迄庚戌十二月

磁州道上追憶漢口舟中與亭秋夜話作此遙寄  
塵鞅勞勞暫息肩簡書催我去朝天難攜局外觀棋斧  
且上江頭載酒船鯨浪平時知柁穩漁燈紅處對牀眠  
柔情織就絲千縷披拂行旌到日邊

入都有感

滿眼衣冠第宅新重來非復舊時春宮花帶露都含淚  
石馬嘶風已絕塵未必北門需寇準莫從東閣訪平津

惟將無逸艱難意勉向青蒲一再陳

聞楚材輪船黃州擱淺寄懷亭秋

破寂耽吟手一編水籤迢遞數歸船  
朝來忽報風波惡祇在蘆花淺水邊

用唐人句

早朝口號

永夜雞人報曉籌徹天燈火六街頭  
相逢鵷侶都傾蓋逖聽鸞聲正委裘  
薄植重親溫室樹麤官孤負耦園秋  
十年舊恨銅駝在忍向青門說故侯

雪夜朝回遂過榮文忠師宅

金貂打疊夜趨朝壓重還欣瑞雪飄  
鎖鑰敢希門下準

徽音剛祝女中堯

恭上 隆裕  
皇太后徽號

豐年北地千家玉舊

夢南黔萬里輶腹痛平生感知已過車三步頓思橋

德宗景皇帝梓官前叩謁恭紀

鵠血號將盡

龍胡去不還昔承

先帝詔今輟早朝

班殿瓦經霜冷宮花映日閒外臣惟飲泣圖報一身孱

三十四年中離離

帝在宮承歡

文母喜挈矩小民

同施濟堯猶病平成禹有功煥巍不朽業峻極與天崇

極目

西陵路葱葱氣自佳新邦周室造黨禍宋廷排

百堵馳馨鼓千官冷膳牌共驚國旗下哀痛五洲皆

三朝數人物幾箇至今存已愧藩南楚何堪掌北門重

來京輦地永戴 聖明恩一掬青袍淚猶霑舊血痕

梁格莊夜宿贈楊逸真觀察

雨載吳霜又楚雲珠邱今夜細論文  
怡逢易水冰初上曾過邯鄲酒半醺  
新月一鉤窗外落悲笳數拍枕中聞  
宣南舊雨今餘幾除卻西山便是君

遊陶然亭

過眼慵看帝里花孤亭依舊屬江家  
踏冰得得初鳴馬穿荻深深尙有車  
門外童僧知笑客山中病婦悔乘槎  
得亭秋書舟至黃州攔淺浮雲容易成蒼狗不放西山日影斜

寄和亭秋杭州

風雲多變態何處溯根由人自還山羨花仍逐水流琴  
囊誰與共詩卷喜長留養得心源活飄飄不繫舟

天甯寺題壁

破壁曾經劫火燒入門惟賸野花招養茸鹿已隨僧化

吹影厖還向客驕南浦送人成永別

戊戌八月送李蕊園尙書西戌剪燭

山寺作  
竟夕譚

西山笑我太無聊十年興廢一彈指早晚霜鐘

伴寂寥

長至後一日展拜榮文忠師墓

一陽初上凍雲開特爲先生掃墓來六琯灰飛身後劫  
十年木是手中栽東山早罷圍棋局北地難資掌鑰才

濁酒醅公無一語知公憂國淚盈顙

米市酒樓贈家松珊給諫同年用遊陶然亭韻

諫草書成筆有花苦心憂國早忘家避驄目已無羣貴

飽蠹胸還富五車一自黃門聽曉漏難從黔水泛歸槎

君亦有還山之志

金尊酌我宣南酒舊夢櫻桃看月斜

二十年前同寓

櫻桃斜街詩館

出京大風

昨宵燕市寒衝雪今日丁沽飽御風風雪滿天人不覺

家書安穩望南鴻

亭秋書來問狀作此答之

自到津沽有所思略將近狀報君知寒潮警夢三移枕  
薄酒添愁一舉卮祇借疏燈聊作伴並無佳客解吟詩  
傳聞風日杭州美身不能飛意已馳

得家書卻寄仍用前韻

遠道縣縣寄所思閨中情緒客中知生涯久已成孤注  
世事何堪有漏卮小別花前留後約獨眠枕上改新詩  
之江雪浪丁沽水一樣潮聲兩地馳

夜夢紋女如四五齡童子狀牽衣不去殊難爲懷  
十旬不入夢一夢轉迷離笑貌仍吾女甯馨是此兒前  
身緣藥誤再世定環知衰病催余老呱呱又幾時



喜顧漁溪都護同年至

束筍官書亂一堆挑燈忽報故人來  
交深肯下陳蕃榻年少曾驚賈誼才  
草草談禪參玉版忽忽款客酌金罍  
憂時各有難言隱且向鑪邊撥冷灰

寄和亭秋問訊杭州新屋

塵海分馳兩意皇此身原自有隄防  
梁鴻鎮日思吳廡何況鍾情老孟光

春來燕子總雙棲草綠裙腰一道齊  
卜得數椽避風雨裏橋他日手重攜

賜書須弄屋東頭一榻西偏爲我留  
貧賤生涯偕老約

眼前富貴比雲浮

特爲看山起畫樓五年舊恨上心頭憑誰光彩生門戶  
嬌女如花不肯留

客有餽牡丹者置之北窗時盼杭州家書

遠道移來帝里春姚黃魏紫鬪鮮新梅花鎮日無消息  
賴爾窗前作解人

題孫子瀟先生雙紅豆圖

錢惠風流有再傳興公妙想信天然花前譜出雙紅豆  
抵得天台賦一篇

一卷纏綿幼婦辭百年留得是相思乾嘉老輩多情甚

又見文孫綵筆持

寄答漁溪都護亞蘧太史昆仲仍疊前韻

催詩刻燭淚成堆咳唾珠璣附驛來  
洛下機雲仍作客禁中頗牧正需才  
朝元共寫新春帖拜母同斟舊酒壘  
獨有北門老從事縱非霜鬢已心灰

和亭秋韻

人遠隔千里灰飛動一陽心馳惟見月  
骨瘦不禁霜卻病先平胃聞歌欲斷腸  
毋忘盭耕約宦海正茫茫

紋女生辰適接杭書感賦

難求不老藥又屆誕生時阿母肝成疾  
阿爺筋已疲寒

鴉驚短夢老鳳泣枯枝何日重相見先題望遠詩

寄亭秋書

客路馳千里人謀策萬全料知梅萼早扶病綺窗前  
今夜冰初泮明朝歲又除燈前語僮僕爲我辦屠蘇  
一官誠自縛辛苦爲誰來深佩山妻論愛民休愛財  
病後宜滋補涼方莫浪投山參與山藥計日到杭州

除日書懷寄亭秋

津門甫持節倏焉歲已闌回溯一年中過眼浮雲看人  
日登鵠磯步武慚胡官黃鵠磯上有官文恭胡文忠兩公專祠元夕晴川  
閣維舟漢江干弔古發長嘯賓從青琅玕一病忽月餘

作文厠上難乞身 帝不許無分持釣竿民窮天降酷

浩漫江波濶奉職太無狀嗷嗷鴻羽寒發粟賜帑金

恩詔飛紫鸞流民繪成圖俯視增悲酸振糶兼隄防醫

創譬肉剗誓擲七尺身力障奔流湍何圖志未竟夢轂

繞桑乾北門鎖鑰地銜 命忝登壇再辭不獲請責鉅

力莫殫適值老妻病單舸下臨安勞燕本同巢分飛各

羽翰來此歲又改努力但加餐銀魚紫蟹羹日日快堆

盤丁沽未解凍事簡恣遊觀可惜繁盛區絕少青山巒

荏苒逼除日懷人意寡歡東坡饋歲詩所見非一般兒

輩賭棋局琴徽無女彈南望蜨桂樓梅花簇錦團東望

天香閣藥鑪置檐端別離曾幾時雙曜飛如丸但集今日景莫放酒杯寬書此貽杭州中宵起浩歎

庚戌元旦口號

東風吹上萬年枝客裏緜緜寄遠思卻喜津門春色好  
辦香先拜李侯祠

花近紅樓日上時丁沽冰泮已遲遲廿番風信從頭數  
賦就新詩改舊詩

謁李文忠公祠

再造端資盡瘁躬千秋論定帝褒忠一軍壁壘同光  
彌廿考中書姬令公已有村氓來獻歲莫嗤元老但和

和言生言金卷八  
戎卽今魂魄嬉遊地如見當年定亂功

和答朱芸子觀察同年除日見懷

玉堂仙吏蜀經生揚馬文章更老成除日詩來元日和  
出山泉比在山清一樓師鉢傳湘綺萬里行勝別錦城  
會游歐西  
著作甚富見說丁沽冰泮早聽完衙鼓聽潮聲

和亭秋立春口占

細嚼梅花韻親焚柏子香客心雙蠟炬春色一詩囊酒  
債年來減蘭言夢裏芳遙知西母宴嬌女進霞觴

人日憶女疊前韻

右台山下路料得早梅香寶鏡蠶荒土殘篇付錦囊海

枯難恨補髮白感年芳人日懷嬌女詩成罷舉觴

示許汲侯觀察

觥觥贊舍溯天台

外舅季傳先生曾秉鐸台州

祖德高門駟馬開羣

從久推公輔望一經傳自外家來鳳毛濟美聲逾遠豸  
繡成章手自裁卻羨東風披拂早杏枝移向日邊栽

寄亭秋疊前韻

欹枕知君夢石台橫河春漲片帆開已愁杜宇催人老  
應有鶯兒喚母來客路崎嶇腸共轉家書珍重手親裁  
孤山已被林逋占萬樹梅花繞屋栽

人日獨遊有作



平生結書耽吟詠獨逢人日怕題詩兄弟三人各千里  
嶺南劍北空相思一妻扶病歸故鄉書來使我心飛馳  
春寒薄遊意不樂離情只有東風知東風著力催百花  
花亦無聊開遲遲老鵬長嘴背人立毛羽苦被羅網欺  
我獨何爲久羈此客中未辦草堂資白石粼粼半池水  
知是丁沽冰泮時

和張馨安都轉兼領柏臺除日感遇韻

少年勸學富三餘中歲曾偕計吏車兩載筦鹺劉晏法  
一生得力計然書蘆邊早斂私梟迹草澤羣驚害馬除  
今日惠文冠柱後柏臺春酒肅簪裾

攝官除日兆真除令甲新頒慶有餘萬卷致君身讀律  
三章約法吏鈔書傳聞門大堪容駟莫羨淵清但察魚  
早晚漢廷召宣室賈生洛下有誰如

和亭秋

迢迢雙鯉附書來丁字沾頭凍甫開眉黛慵看天上鏡  
燈花喜落客中杯函因遲答神先往詩爲旁敲字細推  
休怪紅閨怨離別春情鎮日減方回

黑貂拚與換黃嬌宛轉情絲且漫撩一刻春宵雙月滿  
院中懸琉璃電燈頭番花信八風調狂來見獵心還喜病起看

梅手自澆聞道瑤池開夜宴驂鸞秦女下雲霄

元夕步至金鋼橋看燈

火樹銀花錦簇圍  
元宵燈月影交輝  
河橋早弛金吾禁  
戲學兒童買夜歸

寄荅馮夢華同年疊武昌留別韻

綵筆曾聞氣象干  
碧幢威望重朝端  
宦成作客身非隱  
老去逢春意未闌  
舊學商量同調少  
新詩留寄故人看  
摩空絕似丹霄鶴  
愧我黃塵溷一官

春來情緒報君知  
藏海園中草木私

署中園亭軒敞余名之爲藏海園

一水池塘夢康樂  
半畦農圃學樊遲  
風煙莽莽庸爲福  
江漢滔滔去後思  
駑馬縱饒千里志  
十年辛苦厭驅馳

投詩聊以報瓊瑤綠野難停使者輶霖望再爲江左出  
醉呵早折灞陵驕筆含鐵甕金焦色夢繞錢塘龜赭潮  
君春間擬遊杭州聞說 沖皇思舊弼薰香料理早朝貂  
曲江春宴忝齊年恩遇 先朝泣杜鵑望帝難逢青鳥  
使浮家惟共白鷗眠若蘭書是回文錦長慶集多唱和  
篇蓑笠那容公傲我煙波早辦五湖船

酬馨安都轉疊前韻

長城高築目無餘白戰難降李左車鈴印甫看晨啟鑰  
投詩忽報夜傳書不因客裏春情減喜聽朝端黨禍除  
擬向水西添詠事放懷容爾曳長裾

無邊風月到庭除  
湖海論交薄耳餘  
落紙醉臨張旭草  
回文錦報寶滔書  
適得家書服鹽久屈行空馬  
解凍應多縱壑魚發篋幸無封禪稿  
不才何敢擬相如

題洪翰香觀察尊人琴西都轉冰天春霽圖

冰心未改鬢毛斑  
匹馬孤臣再入關  
疑案已成蠅誤筆  
感恩應矢雀銜環  
去聆塞北箜篌曲  
歸卧淮南大小山  
畢竟陽春先有腳  
玉門天外幾人還

酬夢華同年見寄元日遣興

飛羽遙將大白浮  
霓裳詠日幾生修  
不餐苓朮身還健  
浣誦珠璣韻欲流  
西笑難題司馬柱  
東歸早羨季鷹舟

白田居士今無恙冷眼看人鑄六州

感懷疊前韻

進退平生綽有餘甯將覆轍鑒前車  
悔談細柳兵間事補讀扶桑海外書  
鳥入雲端惜毛羽草含春意滿庭除  
眼中幾許滄桑感早向朱門薄曳裾

建節津沽逼歲除一官叨竊廿年餘  
腰圍病後愁看帶燈昧兒時憶讀書  
吠影不妨縱羣犬加餐惟盼到雙魚  
樓牀百尺吾家事豪氣而今總不如

二月六日焚寄淑卿夫人

作婦吾家計已非附棺猶是嫁時衣  
回思三十年前事

一盞殘燈照素幃

樂裏經年總浪投三生宿約片時休莫嗟紅粉成黃土  
夫壻而今也白頭

塵鞅勞勞祇自憐我羈人海爾昇天營齋營奠曾何補  
空費微之十萬錢

小別多時夢也無情絲難割淚難枯乞身儻遂歸來願  
準擬招魂泛五湖

得亭秋面意多不適作此慰藉

才地無雙品更高何來蜚語太喧囂門前有字堪題鳳  
籬外聞聲笑喚葵瓊報難酬青玉案曲終早薄鬱輪袍

平生已被浮名累合向金閨讀反騷

陳仲瑀司使遠饋雙鹿放之藏海園中戲而書此  
寶筵無復奏笙簧  
萃野呦呦祇自傷  
投贈我先矜捷得  
幽棲汝亦善韜藏  
牌懸此日遊行樂  
鋌走前番角逐忙  
偕隱東歸如遂請  
挽車煩爾共尋芳

同氣同聲慰沈寥  
養花時節養葺嬌  
狡謀營窟輸羣兔  
健翮窺籠惜老鵬  
淡白生涯思野草  
迷離夢境醒隍蕉  
遼東早罷蓑貂貢  
回首鄉關驛路遙

繼友棠部郎以拙詩集成七截三十章郵寄率成

四截寄答



綽約風懷宛轉思將詩摘句句成詩明堂清廟吾何敢  
塗改煩君彩筆持

尺錦才情不可量一經意匠便成章機絲欲奪天孫巧  
七字拈來勝七襄

慚余詩少幽燕氣知爾胸多磊落才飽到侏儒臣朔餒  
固應烈士壯心灰

人海茫茫藏一身子雲筆札未嫌貧五陵鎮日馳車馬  
敝帚千金祇自珍

藏海園晚眺

九十春光強半過紅情綠意漸消磨浮雲偶聚終成幻

遙憐病後朱顏減行樂惟須及令辰

壽端午橋尙書

蜺旌虎節領諸侯綠野歸來尙黑頭春色飽看紅杏開  
閒身喜作赤松遊名希謝傅兼羊傅夢繞歐洲又美洲  
今日鶴飛歌一曲西山佳氣酒杯浮

南海戴文誠公靈輓過津一尊祭奠綴之以詩

海內傳遺疏朝端失重臣不言溫室樹遽作玉樓人翊  
贊維新策馳驅盡瘁身買春燈事寂寥落上元辰

公薨於正

三月十日

菱尾開春宴羣賢聚洛中

甲辰會試借闈汴梁公充考官子知貢舉闈中極相契彈

指六年而科舉亦從此廢矣

麤官猶賸我愛士孰如公望古人求舊

銜哀 帝表忠臨歧一尊酒還與昔年同

園中卽景寄示亭秋兼問行期

紅紅白白放丁香一色蘋花閒海棠孔雀喚人鸚鵡鬧  
遲君不至惜春光

三月二十四日憶穎女

屢歲儻非因藥誤他年應是授經人  
生朝酌汝尊中酒 娘在錢塘爺在津

亭秋得閱余憂時陳情奏稿以詩電寄作此酬之

卽用其韻

祇有丹心未改常何曾醫國有奇方回文織錦憐蘇蕙  
攬轡澄清愧范滂棋局那堪無定著蘭修豈以不言芳  
救時書和憂時淚漫誦文章角馬揚

藏海園餞春晚興

循分猶堪效小忠未應咄咄但書空八方暑雨那寒怨  
滿坐焦頭爛額功卜世須知周鼎重謀生何止阮途窮  
夜闌酒罷觀天色星影爭光月影隴

望遠難尋縮地方書來眠食可如常春風湖上逢仙侶

謂俞階  
青夫婦

秋色人問重晚香惜別催成新樂府于飛猶戀

舊家鄉出山泉水源流合清濁煩君一激揚

初月高高朗若眉相思千里客何爲蓬場但博千觴醉  
扶廈誠非一木支滌盡塵心無夢想飽經世味合時宜  
莽公新制荆公法此案如山不可移

無計留春盍醉休夕陽明滅此登樓酴醾花事催番信  
楊柳風情動別愁生草池塘詩入夢隔簾燈火夜如秋  
分陰勉效陶公惜一刻千金價可酬

寄和王王秋太史見寄再疊武昌留別韻

老筆紛披不可干盡驅屈宋入毫端湘樓結綺才難小  
石室傳經興不闌舊雨劇憐花市散春星曾共草堂看

甲申乙酉閒錦城之游  
時相過從如昨日事

咸同老輩成新貴馬走知公笑

此官

經術文章結 主知得天獨厚覆無私朱王講學何嫌

異黃綺出山未覺遲魯殿歸然天下望巫峯半是夢中

思

公側室六雲君號半山早日恒化

通儒自有千秋業早晚徵書驛路

馳

本年例舉碩學通儒鄙人曾以公名達部

投桃何意得瓊瑤佳句爭隨奉使輶

公詩由吳子修學使寄到

公府

勉徇王式意平生得御李君驕不妨人海成充隱已見

星沙息怒潮

日前長沙飢民滋事

家學青箱堪世守壓箱應有翰

林貂

棘裏銅駝感舊年津橋春老又聞鵲清談徐勉惟風月

醇酒曹參但醉眠殿柳官花刪少作

往歲供職京曹曾擬漢宮春樂府寄

湘就正自經兵燹稿不復存

銀魚紫蠲入新篇時艱莫補吾滋愧準

擬西泠放釣船

### 和答逸真觀察

花木平泉劫後過橫行十萬劍空磨倦飛已覺浮雲幻  
慷慨還愁去日多校獵有人談射虎還鄉無女借明駝  
中宵遯聽雞聲惡待旦期君一枕戈

### 騁懷軒喜雨疊前韻

空濛煙水眼中過一鑑塘開似鏡磨雲擁千峯當檻出  
風飄萬點上樓多落花濺淚驚林鳥種樹關心喜橐駝

十丈銀河期倒挽，伫看瀛海洗瑯戈。

生朝將屆書寄杭州

齊眉廿載老鴻光，治讌生朝共一堂。  
作宦我猶嗟梗泛，貽書君又爲花忙。  
遙知老屋呼傳蠟，已戒行廚罷舉觴。  
霜鬢灰心希往哲，未堪重說少年場。

放船大沽遣興

導河尾直流，一瀉全歸海。  
試看丁字沽，七十二灣在。  
時會，有變遷水性，百不改。  
我乘畫鷁，行入耳聞欸，乃轉柁。  
借風力，飛旆奪霞彩，夾岸野人家。  
童叟當門待，不畏達官尊。  
似樂使君愷，何修竟得此乘旄。  
甫半載，曷我同舟。



倡利濟心勿怠

修政勝修船湘綺曾語我但爲尊俎計謀國殊太左軍  
中有韓范不及禁牧頗白面無深識炫耀軍荼火曲突  
鮮恩澤焦頭列上坐民力苦凋瘵秕糠豈堪簸長星宵  
斂銑天意將悔禍及時明政刑彼族心戢叵庚辛又十  
載重關啟鐵鎖幾人鴻毛擲幾輩馬革裹平生擊楫志  
身外惟一舸

晨風吹我去午潮送我歸來去都無心仰視浮雲飛雨  
過不留暑涼入短後衣船頭箕踞坐有若理釣磯白鹽  
堆成山地鹵草不肥紅煤不愛寶外溢權利微闐闐爭

逐末重農意已違  
礮壘付沙礫高颶  
巴黎旗設險無可  
守何以鞏 皇畿國  
勢有強弱時論鮮  
是非縱觀中外  
事慷慨徒歔歔

憶昔丙申夏曾作  
津門游片帆下塘  
沽漁火如星稠老  
妻適南來相見大  
航頭嬌女牽爺衣  
刺刺語不休我亦  
大笑作此樂抵封  
侯忽忽十五稔一  
夢覺莊周存者病  
攫身逝者不可留  
昨讀孟光書廡春  
爲鴻謀穹官何足  
戀所戀 主恩優此  
時復何時滄海嗟  
橫流曾李建高  
牙相業炳千秋曹  
隨恃蕭規醇酒銷  
百憂

初度日作示幕府諸君子三疊武昌留別韻

尤悔難捐愧祿干敢希才望繼清端

林君芝友貽詩有未須魚虎壽清端

句

久經浩劫身還在起視長星夜欲闌生草時縈池上

夢愛花只合客中看十年旄節曾何補贏得頭銜似冷

官

錢穀刑名兩不知幹才偏受主恩私徒驚萊子斑衣

冷轉悔毛生捧檄遲細柳旌旗前度客

丙申五月隨榮文忠公津門閱

武適值四

十初度梅花玉笛去年思英雄髀肉銷磨易匹馬關

山詠載馳

昨赴大沽查勘礮臺舊壘

襟帶蕭閒屏玉瑤

是日不著衣冠不延客

鱸鄉風起滯歸輶加餐

深荷雙魚寄吠影空聞一犬驕塊壘易澆賢聖酒水心

不競去來潮家聲已愧公卿長七葉何堪珥漢貂

丹榴似火夏如年留得春光有杜鵑

園中石榴  
杜鵑盛開

走馬六

街張敞夢陳書一榻孝先眠分陰勉運陶千甓尺錦難  
酬李百篇寄語濟川諸俊傑如今黃海盛戈船

### 寄亭秋

壺觴今日又開筵君在錢塘我在燕西笑喜穿花四壁  
南飛還祝鶴千年夢中斑綵尋嬌女醉後長齋學老禪  
寄語齊眉賢德曜莫因望遠損餐眠

接亭秋面放舟西子湖大有買山之意作此遙寄  
白公隄接岳祠邊湖裏風光洞裏天蒲酒一觴飛共醉

爲君先辦買山錢

書筵寄贈權錦堂中書

婆娑風月靜塵氛一上南樓便識君安定分齋傳正學

鎬京奏鼓蔚人文郵行志豈忘千里商戰才堪張一軍

休道舍人官太冷家風蘊藉美前聞

史稱權文公昔官舍人蘊藉風流君

其勉之

遣興四疊武昌留別韻

傳聞優詔赦揚干大事朝中問呂端舊院新成鳴鳳記  
內家爭罷鬪雞闌圖從鄭俠流民繪軍在條侯細柳看

聖主宵衣求碩學幾人空谷老王官

謂王湘綺太史

暮夜焚香懷四知祇談風月不談私昨非未必成今是  
拙速終須勝巧遲齒錄漸看同輩少口碑留與後人思  
元龍湖海平生志莫放堂堂白日馳

雞樅風味敵江瑤

吾鄉雞樅菌風味甚鮮美

回首鄉關萬里輶深巷

賣花春雨潤

鐵局巷老屋每當雨後時聞賣花聲

奇峯斂火夏雲驕

貴陽西郭

外紫雲庵地極佳勝有奇峯雲火扁額余幼時曾賦詩

兒時書味燈前影夜半鐘

聲寺裏潮

六洞橋住屋夜聞潮音寺鐘聲興起就學

寄語故山游釣侶敢拋

猿鶴戀蟬貂

雄關山海寄經年不信津橋有杜鵑齊案孟光椎髻隱

中宵越石枕戈眠重經東閣餘雙淚

頃過吳楚公所乃十五年前隨侍榮

文忠師查辦津案止宿之地爲之腹痛

曾讀南華第二篇長日堪銷棋一

局煙波還載米家船

院中蘭花盛開有九瓣者二枝十瓣者一枝較之武昌節署七瓣八瓣尤爲馨郁且共聚一盆是可異矣作詩張之並寄杭州

玉砌移來楚畹蘭對君銷夏勝銷寒風清香澤留華帳  
月照花枝繞曲欄禊事興懷曾紀歲方心約素轉成丹  
寶筵待掃三三徑合與瓊花一例看

九瓣蘭

清似梅花瑞叶萸數符天地妙通靈色香如荷華陽賚  
湘澤都成楚國馨共溯心源宜畫水倍增身價憶升庭

珠圍未許窺全面錯認窗前聚五星

十瓣蘭

再詠十瓣蘭

賦才黃九單寒甚駢福還須儷體文  
膏澤凝於眉上畫琴音全向指中聞  
竹林結契增三友寶鼎薰香遜一分  
留飲平原銷永日新詩聯錦挹清芬

亭秋生日書扇馳寄

一葉祥徵九瓣蘭楚騷親寫上齊紈  
纏繇心緒殷懃寄莫作尋常畫本看

幾生修到比梅花竹報平安个个斜  
昨夜酒闌燈事寂綺窗清夢客還家



聞說秋來趁晚潮  
盈盈一水恰填橋  
百年佳會雙星在  
太息庭前失謝嬌

別來花信甘番春  
珍重眠餐病後身  
爲奏鶴南飛一曲  
畫眉人是介眉人

再寄亭秋卽促來津

一葉翻萸朔荷天  
快舉卮蟠桃王母貢  
香草美人思舞綵  
花間蜨怡情扇底詩  
壺漿燕士女悵望錦帆遲

抽簪苦無計藏海  
寄行窠樓迴梯雲上  
塘開鏡月磨眠遲  
思夢草起早爲看荷  
唾綠亭中坐期君載酒過

夏夜藏海園納涼有懷亞蘧太史卽用其梁格莊

值班詩韻並以索和

莎綠裙腰一色鋪  
晚涼休放月華徂  
隨攜謝眺驚人句  
來試蘇髯調水符  
乍聽鯨鏗知寺遠  
尙留鶴夢到山孤  
西園翰墨西臺草  
才調如君近世無

冰簟龍文八尺鋪  
水晶簾外暑全徂  
朝班猶點唐青瑣

火德如銷漢赤符

易州風蕭水寒雅宜過夏

見說王前矜士貴  
不堪

曙在失星孤  
舉杯西望邀明月  
有客還思有酒無

再示幕府諸君子五疊武昌留別韻

寰海無波喜戢干  
近光若在五雲端  
長天松健鶴同健  
永夜星闌酒不闌  
吳郡曾留團扇畫  
荊州如借異書看

十年三輔遺黎在掌鑰重來愧漢官

朝菌難將晦朔知鳴蛙誰與判官私李牛黨籍融恩怨  
枚馬文章有速遲再起東山安石望平居故國少陵思  
題橋未是還鄉志莫羨高車駟馬馳

御鉢親頒內府瑤

翠華曾此駐仙軺

津郡海光寺  
純廟曾經巡幸

賜玉鉢一具外鑄佛像七尊親制  
內用泥金寫多心經庚子之亂幸得保存

御讚一亭如戴三

山重七佛堪平九國驕人事幾回陵谷感海光依舊暮

朝潮儒臣賡和明良盛才遜張梁敢續貂

純廟登榆關  
澄海樓觀

海曾召張文敏照梁文定詩正仿歐公禁體聯  
句勒碑紀事碑石尙完好現恭弄藏海園中

先朝恩誼中興年無計攀龍但哭鵑一代人才看駿骨

萬家生意付蠶眠

時正勸津民飼蠶種桑

鵬成賈誼傷時賦驚駕

荀卿勸學篇入幕蓮增王儉色花開玉井藕如船

園中蓮花

盛開

### 海光寺玉鉢歌

鉢爲乾隆內府珍物舊存寺中百年以來歷經  
世變幸仍完好感時撫事因繫以詩工拙非所  
計也

海光寺僧殷獻佛發篋示我先朝物蒼玉爲質金縷

成光曜燭天氣盤鬱一鉢中造七佛形低眉趺坐誠通

靈長伴木魚依法護好教鸚鵡誦心經

鉢內書多心經外鐫古佛七尊

有御  
讚文

御讚鴻文猶可考大書乾隆丙午造留藏蘭

若不記年六祖傳燈茲永寶百年依舊啟琳琅曾見麻  
姑話海桑肯授靈書銜赤雀不隨劫火換紅羊 純皇  
中葉當全盛江海無波 翠華幸憚鐘立墓喜留題玉  
帶金山供嘯詠此鉢應隨東南巡扈蹕還先侍從臣

君王欲仿柏梁體一擊催詩字字新况復津郡 帝肱  
股樓船十萬雄三輔北門鎖鑰寄非輕東序球圖頒自  
古槃血初寒海上盟法物幸不眠棘荆名王本是桑門  
種手挽銀潢淨洗兵民教交訐百不備甌名使相慙清  
議此時供養有香花閉門不預老僧事回首紅燈十載

前津橋風雨但唳鵲重輕欲問周朝鼎呵護還同漢殿  
甄鉢若有知合隕涕一代興衰爾闕繫時平科第喜衣  
傳世亂塵沙愁瓦棄猶留寶器鎮山門同戴先皇賜  
予恩歷盡百千萬億劫款題完好沒燒痕我今作牧幽  
燕地執壁秉圭荷殊遇夕陽下馬款禪關老眼摩挲不  
能去生佛何曾庇萬家錫飛杯度尙天涯不堪玉盃初  
明恨忍向荒臺說雨花七朝傳鼎如傳鉢玉斧河山莽  
寥闊宮中老佛壽萬年微笑拈花大解脫澄海樓前  
起暮潮紫竹林又曉鐘敲置身肯作沿門托香火年年

祝聖朝

和答徐花農閣學同年

十丈黃塵寄此身卅年飽看  
鳳城春孤山嘯傲林和  
靖鑑曲疏狂賀季真綠酒惟應千日醉白頭喜共一燈  
親落花異代逢知己文沈而還韻事新

一夜東風損玉蕤花飛猶戀  
上林枝人憐蘇軾春婆  
夢我愛韓翃才子詞玉螭金鰲頻悵望白衣蒼狗太離  
奇尋芳重過斜街市又見  
天家雨露滋

臣心如水誓黃流晉用材先杞梓收南海珠投鮫有淚  
西山簾捲鶚凌秋襲中書富詩千首襟上痕留酒一甌  
怪事古今堪比例書空咄咄發吟謳

舊侶晨星已不多  
懷人昨夜雨滂沱  
尖叉險韻挑燈續  
旖旎芳韶載酒過  
注籍年均非少壯  
忘機氣已得中和  
談兵論事看霜鬢  
強起因君一嘯歌

催租應少吏敲門  
隨意栽花自灌園  
五柳名希陶靖節  
九仙骨似李長源  
詞臣蔚國八瓊影  
相業傳家七葉恩  
結習未忘聊一笑  
詩書夙好本來敦

貽我新詩抵玉璫  
賞春吟是反離騷

君有反落花詩  
賞春吟一卷

金

蓮舊夢人歸院  
析木清輝月傍霄  
海上魚龍正鼯睡  
朝中牛李費和調  
盟心幸不殊蘿袞  
藏海棲遲學避囂

憶內



酒夢襟痕客憶杭一封書到九回腸  
花時蘭藥曾爲瑞別後眠餐總遞常  
遲我看山朝拄笏爲君禱病夜焚香  
梁鴻何日依吳廡春貨年來累孟光

懷紋女用香山念金鑾子詩韻

生人至不幸墮地卽爲女何況生有涯  
鞠育感摩撫平生利濟懷萬物思得所  
弱息竟不留此鬱向誰語人間骨肉少  
地下祖孫聚明知生是幻解脫一切苦  
茹痛別汴州彈指六寒暑思兒夢不成  
作書告兒母

未夏日何長一刻如一旬客邸難爲歡  
經冬又歷春兒幸早歸骨我猶未抽身  
遺篋不忍啟遺容猶可親今朝

怛化日令我增酸辛寂寂津門道悠悠薄宦人

香山強作達難遣失金鑾我與香山較同病復何言茫  
茫四顧窄仰天天不憐猶憶危城中傍母話燈前更憶  
淮浦別緊把爺衣牽少天老徒存此恨永年年

荷花生曰幕府諸君子招飲姬嬭精舍卽席賦贈

侵階細草碧成茵雨後林塘點綴新  
日荷花將進酒

秋風蕪菜未歸人

席間談西湖蕪菜風味絕勝

疏簾燈火尊前影滿

地滄桑劫後身勉與諸君拚一醉南陽畫諾例堪循

題花農同年北窗夢月圖

君身似明月忽遭纖雲掩塵翳有時集光輝弗能滅北

窗卧羲皇一枕冰  
文簾清夢落廣寒  
裊底天香染悟澈  
盈虧理何有哀樂  
感津門譙鼓沈一  
鉤新月斂對月正  
思君因風折齒齧  
遙知夢醒時滿身  
清露點回憶夢熟  
候高寒濯詩膽作  
此寄徐勉今夕微  
雲澹

寄和花農

飲罷荷花生日酒  
新詩又向畫圖探  
書煩遠道雙魚寄  
人比汪波萬象涵  
落月梁間顏共照  
聚星堂上興方酣  
青鞵踏遍塵紅輦  
可憶看梅過嶺南

百年喬木世家存  
落葉狂花賦小園  
劉井科名蜚翰苑  
俞樓風月重師門  
新絃按譜難爲曲  
舊酒題襟尙有痕

底事浮雲輕富貴仰天一笑復何言

回黃轉綠意何如野鶴閒雲任卷舒  
仲舉曾留徐穉榻子長有報少卿書  
三更畫舫花穿後一色長天雁到初  
門榜翟公殊未達幾人悟澈理盈虛

畫屏銀燭釀秋光苔徑螢飛影入囊  
五夜鄉心蕪菜夢一池清趣芰荷香  
南樓今月應如昨東海高風合望洋  
才地輸君三十里藏園容我一身藏

再和花農

又寄詩筒到北平淵淵擲地有金聲  
才從鳳閣迴翔久味是蜂房醞釀成  
邀月未應千里隔望風早息百家鳴

獨嫌難入時人眼適口而今薄太羹

曾向西風夜倚闌巷居莫作懶眠看

君居懶眠胡同

鄉心江上

雲千疊夢景天邊月一盤馬廐幾經東閣感蟾宮不隔

北窗寒

屬題北窗夢月圖

梧桐葉落涼通枕喜有江花繞筆端

花鳥怡園寄賞心錦屏開處錦堂深文章金翠題春在

屬題怡園雀屏圖春在先生詩有故舒金翠關文章之句

世胃簪纓寄越吟臺閣竟

符中瑞兆

宋武帝以孔雀爲中瑞

羽毛肯受俗塵侵期君振刷酬

知遇重踏瓊枝入上林

盪胸笑我共雲浮七二丁沽總上流在昔濟川思作楫

祇今澄海尙名樓鶯花夷館成新市燈火官橋感舊游

泉石何妨稱小隱  
報書寫就發清謳

### 三和花農

好句穿珠雁帶來  
徐陵豔體信多才  
光依北闕三辰近  
夢繞西湖一鑑開  
松月涼生紈扇裏  
荷風香到酒杯纔  
知君刻燭成高詠  
筆底江花不待催

脫略衣冠便是仙  
卽論書畫已堪傳  
雲煙落紙摩張旭  
山水生綃學巨然  
世澤故家喬木蔭  
師承春在落花篇  
雀屏題徧怡園景  
彷彿驚鴻顧影翩

西風入幙夜窗虛  
今夕清談月上初  
有子眞如不羈馬  
此翁補讀未燒書  
豪情北海人懷孔  
祖餞東門客笑疏

君解官後僑居  
京邸未曾回籍  
十丈輭紅塵市裏孤標落落有誰如

迢遞郵籤互唱酬  
南州一榻爲君留  
夕陽鴉背拖殘暑  
落葉蟬聲報早秋  
乘興子猷曾入剡  
思歸王粲怕登樓  
卅年同隸開元榜  
回首蟾宮話昔游

寄周調之保定卽用其見懷韻

津保計程三百里  
經旬小別似經年  
浮雲薄薄難爲蓋  
新月高高已上弦  
此榻久虛留客下  
知君原不受人憐  
詩情未隔秋河漢  
滿紙清風俗慮捐

窗前喜鬪徐陵韻  
又讀瓊章捲幔紗  
織錦乞分七夕巧  
愛蓮先看一池花  
科名往日高攀桂  
治譜清風美拔茶

衣帶盈盈來去便，娜嬛初不隔天涯。

潤甫同年有事津門，忽忽旋京，函寄己酉昌平紀

遊詩鈔，卽用集中訪楊直刺敘五詩韻奉酬一首。

十年舊夢真同幻，一日生芻往復回。

君來津弔春農觀察之喪，設榻

竟無高士下投詩。如見故人來，明知菊圃香逾淡。莫道

柴扉扣不開，交臂與君留。後約相逢相值且，銜杯

用唐人句

### 和答花農

藏海堪藏拙，敲詩又一回。鯨魚難跋扈，猿鳥漫驚猜。時

有好風至，如偕舊雨來。催租敗清興，臨發幾遲徊。

茶飲助詩清，高齋夜數更。花增雙管色，月共一燈明。冷



眼觀時局浮雲悟宦情吾衰君亦老投分話三生

大好怡園樂當軒敞雀屏鴻齊悲舉案

夫人早逝

鯉對喜趨

庭辭闕冠容挂看山屐不停落花和文沈光彩發瓏玲  
卅年飽芻豆驚馬倦長途有夢聽金鑰無才賦火珠朔  
南蹤殆徧湖海氣嫌麤問訊酬親友冰心在玉壺

### 示花農

泉水悠悠清笑濁原田每每舊謀新耽吟君具唐賢體  
求治吾慚漢吏循

而今宿學凋零甚金布條條令甲新何怪楊朱泣歧路  
幾人轍守與途循

娜嬛夜半速賓從  
紅燭當筵酒令新  
記否可憐歌一曲  
催詩擊鉢莫因循

北窗一枕羲皇夢  
不管長安棋局新  
竹徑偶因佳客掃  
蘭陔還望後人循

和亭秋

長天一色雁來賓  
秋水文章若有神  
昨夜月明今日雨  
情思幸不隔關津

寫家書就口占卻寄

聞道遷喬已有期  
浮家喜不寄人離  
纏緜深荷貽蘇錦

恍惚翻憐讀楚辭

來函云近日  
情思恍惚

一水當門堪洗耳  
百年

舉案暫舒眉煩君薄笨先料理挽鹿看山好和詩

題花農夢草圖

是真還是夢碧色草離離莫嘆春歸去秋來玉露滋白  
雲高士榻黃絹外孫辭絕好徐陵筆珊瑚架一枝

寄和亭秋

門對橫橋雁齒新偕園寄到數枝春侵階草色濃於染

一道裙腰坐綠茵

移花

銀漢無聲暮靄青誰家兒女拜中庭年年乞與人間巧

天上機絲總不停

七夕

初月如弓挂九霄隔君千里望非遙銀鬢玉臂深宵夢

佳句貽瓊愧報瑤

感懷

檐前鐵馬響東丁  
憔悴西風睡易醒  
錦字頻煩秋雁寄  
好傳吉語到蘇甯

病感

和花農見懷之作

徐子多才兼多情  
曾在金齏背上行  
老去壯心猶未已  
兒時頭角何崢嶸  
拾取科名如拾芥  
春榜鴻唱秋鹿鳴  
天子私人作供奉  
禁中頗牧夙知兵  
三晉掄才誓  
汾水五羊校士聽  
蠶聲共羨鄴侯稱  
內相不同嚴助厭  
承明才名同輩盡  
低首飛花佳句滿  
春城良驥千里忽  
一蹶濁流幾溷清  
清流回望三島在  
天上眼底頃刻風

本堂詩集 卷八  
三  
溍生君也埋頭不措意案前但見一經橫昨日貽我感  
事什五言字字等瑤瓊今朝詩來更佳絕七言古體聲  
琤琤君善作歌我載賡仰天大笑浮雲輕既不願酌穆  
生醴亦不願調侯鯖羹願賦落花春常在莫嗟衰柳秋  
先零入夜西窗風雨急苦吟撚斷鬚幾莖不識燕市輭  
紅裏知音有無高與荆勞勞人海幾翻覆祇有西山未  
改青懶眠巷居又十載故山不歸猿鳥驚杜顥恐貽青  
蓮笑謝墩休被荆公爭鶴樓已殯崔句擎樓下笛聲有  
人聽何當坐我南州榻清淺與子談蓬瀛

題花農芍藥畫冊

四時皆成春此花匪凡卉錫爾金帶名莫浪說夔尾寄  
語園主人盛筵日醉幾

題花農畫冊

逢三花市人如織誰向高齋假顏色多君有花不自祕  
一夜費煞東風力傳箋飛聲畫欄中主賓竹箭皆南東  
不共花間一席醉芳時已過惜落紅

題徐友梅觀察徐園第二圖長卷

曲曲迴廊短短橋更添新翠上牆腰此中自有高人榻  
不待陳蕃折簡招

移花補竹日巡檐占領名園未是廉理罷官書理琴索

何妨吏隱一身兼

題友梅荷蕉雙瑞圖冊子

千絲碧藕玲瓏挽一卷芭蕉展轉心  
誦罷梅村好詩句爲君雙瑞發清吟

以詩寄杭州

一椽蔽雨費經營草草移居又遠行  
料得橫河橋畔路鶯聲聽罷聽驪聲

題俞廩軒侍郎卧遊圖

我今倦遊吟興懶鏡水稽山不挂眼  
君侯好遊兼好詩千里鄉心筆一枝  
壯年宦迹半天老去難騎少游馬

昨來謁 帝明光官定律轉漕資釐公示我一幅鵝溪  
絹如在山陰道上逢矧復詩中有畫意摩詰輞川差足  
擬家山如此不曾歸四海蒼生望吾子

懷漁溪同年卽步良格莊值班遣興韻

西風行殿幕成圍製電難馳八駿歸掖省昔隨仙仗入  
橋陵今有夢魂飛一門貂珥恩尤渥廿載烏私願未  
違貽我詩篇兼畫意青山紅樹挂斜暉

漁溪函示枕上口占一律意多抑騷作此廣之卽  
步其韻

機中燈火夢新涼月滿紗窗書滿牀鴻案百年成小別



鵲橋一水界中央  
筆痕黯淡愁眉嫵  
心事纏綿有瓣香  
何怪神傷荀奉倩  
授衣難遣九秋霜

和答關安甫同年

中年絕塞劍曾攜  
綺歲名高雁塔題  
誰識翰林身價貴  
講筵親侍大庖西

婆婆歲月主恩深  
依斗常懸捧日心  
神武挂冠歸計早  
未須澤畔苦行吟

詞臣秉鉞遇尤奇  
可憶春風得意時  
絳灌文兼隨陸武  
朝來射獵夜吟詩

斜街花市月逢三  
知共徐陵走馬看  
笑我一官太羈絆

津沽回首望長安

老去悲秋轉憶春  
雨餘官鼓更清新  
戟門鎮日閒無事  
雲海相望寄此身

藏海園遣興仍用安甫韻

櫺廊信步一筇攜  
剔蘚捫碑訪御題  
睡綠亭中偶延佇  
不妨坐到日斜西

蘭葉亭亭露氣深  
莫將秋意損春心  
屈騷宋豔吾何有  
閒拂雲牋和越吟

曲池清淺石清奇  
正是秋風落葉時  
卓午放衙官鼓靜  
簾前鸚鵡又催詩

樓開四面徑開三惜少西山挂笏看回憶耦園風日美  
家書昨夜報平安

杖頭先買玉壺春不管雲煙過眼新藏海園林深似海  
箇中容得苦吟身

和潤甫同年中秋見懷二首

廣寒未識霓裳曲

余中秋無詩

忽誦佳章眼界寬卻喜地鄰

天尺五最難人共月團樂名場易散楸枰局我輩休忘  
苜蓿盤容易一年秋過半相思倚徧畫闌干

不見高人何水部柴扉深鎖靜南寬

君寓居南寬街

閒攜舊雨

尋花市獨對西風憶木藥

往歲八月巡河駐武陟木藥店有詩題壁

何日鯖

筵陪杖履有時狼藉到杯盤吟秋若問津門事銀海無  
波載戢干

卽事

老去難將盛業鋪請纓空慨歲華徂傳聞卻敵燭之武  
不見乞師孫伯符獨客仰天看星斗幾人平地到公孤  
紙窗一夜西風疾九月衣裳已到無

和寄陳仲恂觀察江南

江南瘴癘苦思君蕭瑟秋心庾信文六代贛山還贛水  
一門交紀又交羣講臺花下飄紅雨親舍天邊望白雲  
王謝翩翩佳子弟風流何止屐兼裙

與亭秋夜話時甫至津

相逢疑是夢中身  
翦燭深宵意倍親  
蟹氣厭看瀛海市  
鷁舟先艤漢江濱  
登高莫負題餽節  
舞綵空悲詠絮人  
記否雲駉初嫁日  
忽忽二十二番春  
君戊子九月初二  
來歸本日到津適  
逢九月初二可謂巧合  
然已二十二年華矣

再成一首

打疊征衣九月寒  
郵程迢遞報平安  
秋期待就重陽菊  
喜氣先徵並蒂蘭  
院中並蒂  
蘭盛開  
未減別時眉黛  
嫵劇憐病後帶圍寬  
神京拱衛慚無補  
出處煩君叩兩端

和答徐芷升觀察兼示幕府諸君子

昇平酬答望諸君書記翩翩善屬文  
霸業江東獅獨步風塵冀北馬空羣  
功名未可輕匡鼎筆札由來重子雲  
晨治官書宵刻燭清秋幕府醉題裙

重九偕亭秋登紅樓遠眺

老去登臨興尙豪紅樓地接五雲高  
最難佳日無風雨獨對清秋感鬢毛  
三徑未歸慚就菊一年容易又題糕  
客中選客成吾懶翻累金閨送酒勞

和亭秋

楊柳蘇隄動客旌郵筒迢遞數征程  
不勞竹馬臨官渡自有青山管送迎

歇浦經過又白門江南黃葉自成村  
皖公山色彭郎浦都是飛鴻指爪痕

芊緜草色綠如茵客裏深秋似暮春  
行過潯陽江上路琵琶依舊管絃新

桅檣纖月一鉤新靜夜敲詩若有神  
嬌女夢中堪作伴雲車風馬往來頻

小立紅樓雨乍晴盈盈一水隔滄瀛  
偕園花鳥如招我挽鹿偕君自在行

簿書填委坐宵分城闕青衿聚訟紛  
十載外臺吾亦懶宦情薄薄似秋雲

湖海豪情已漸銷  
小窗兀坐一燈挑  
重重舊夢重重憶  
可奈鄉關萬里遙

驂鸞秦女入雲霄  
青鳥殷勤信已遙  
眉案縱營吳下廡  
相看相對總無聊

題花農瑤花問答圖

花落花無言  
花開花解語  
惜花人是詠花人  
把酒對花紅如雨  
甘番花信東風癡  
花心祇有老鶴知  
徐郎愛花兼愛鶴  
百花香裏鶴來時

秋夜憶紋女與亭秋聯句

秋晚意如何

紋石

思兒悲放歌  
雲鬟空想像

亭秋

玉貌



費揣摩

新倩畫師爲女寫照

伴膝生前渺

筱石

趨庭夢裏多春申

江上渡

亭秋

隱約步淩波

筱石

六年成小別

亭秋

風月總關懷菊影搖珠箔

筱石

苔痕

冷玉階白鷗盟宛轉

亭秋

青鳥信安排遺篋分明在

筱石

石傷心紫玉釵

亭秋

欲慰庭幃意

筱石

攜來兩襲香桂樓曾舞綵

亭秋

瓊島

罷飛觴憶汝懷中月

筱石

憐余鬢上霜寒衣誰料理

亭秋

刀尺費商量

筱石

甫賞重陽節

亭秋

登高意惘然浮生如泡電

筱石

過眼

總雲煙多病身難健

亭秋

含真蹟已仙茫茫無限恨

筱石

石搔首問青天

亭秋

題花農三似吟詞

筆中花現夢中身  
五色江郎挽底春  
舊是玉皇香案吏  
聖湖一角未歸人

功名縱適中書考  
廿四還如表聖評

詩凡廿四首

審識詩人

風雅意九天咳唾一時生

談經奪席重師承  
授鉢傳燈老尙能  
白髮曲園詩弟子  
珊瑚架筆數徐陵

三似吟堪藝苑傳  
無題秋興並遊仙  
寒蟲未敢嘲飢鳳  
前有千秋後萬年

和安甫九日天甯寺登高韻卽以奉懷

荷池清夢到羲皇又插茱萸召舉觴一紙書如逢舊雨  
七層塔已挂斜陽狂來挂笏山橫翠病起看花菊有黃  
落帽未妨賓盡醉人情一飽感翳桑

棘闌同踏蹀無譁隔巷垂楊共兩家

往官京師與君寓一巷之隔湖

海豪情吾已懶笙簫賓讌爾惟嘉劫餘重訪空王宅晚  
遇休嫌老圃花惆悵女牆今夜月荒城縹緲落秋筵

津郡

庚子兵燹後城隍全圯非復舊觀

大明洪武通行寶鈔歌

鈔用夾層紙製成色黧徑約工部尺一尺二寸

寬七寸餘上方刊壹貫二字下方刊戶部養牲  
印造等字邊際四圍作龍文篆印泥完好正面  
上印文曰大明寶鈔之印下曰寶鈔提舉司印  
背面印文曰印造寶鈔處印並有壹貫二字洪  
武距今五百餘載不知何以尙存幕客陳公穆  
觀察得之琉璃廠肆出以見貽感時撫事因作  
此詩

元末困窮國維弛鳳陽匹夫作天子張陳破產供驅除  
徐常列爵賜金紫富有四海爲一家陳紅貫朽資豪奢  
想見大明全盛日瓊枝璧月江南花洪武寶鈔當時重

製仿交子沿南宋區區一紙至今存五百年來幾摩弄  
司農算緡奏通行南通滇粵西益秦泉貨儼符白水讖  
紙價奚止洛陽鵬孝陵風雨咽松柏燕山宮殿銅山竭  
可憐玉盃落人間斷送紙錢官監泣從此金陵王氣銷  
何論黃標與紫標賣官鬻爵無不有墨敕斜封半珥貂  
流寇公然破天網思陵籌兵苦無餉百呼戚里不一磨  
翡翠明珠付榛莽鏤文完好印泥新惜哉不療兒孫貧  
時來尺楮人爭貴運去兼金世豈珍松杏河山一旦改  
徒留萬選身價在夕陽憑弔三十陵麥飯誰將一錢買  
我閱此鈔起暮愁如今官府困誅求焉得寶此千萬貫

家家爭拜富民侯

喜保久山觀察九江

歎血燕山憶舊盟承平十載又逢庚

往者庚子和議與久山尊人春所京

卿曾預其事

羣誇門蔭雙旌貴不斷江流九派迎鎖鑰津沽

慚重寄琵琶湓浦換新聲故人有子重泉喜觸我黃壚  
感逝情

十月二日焚寄蓮漪夫人

一官累我尙栖皇澆酒臨風忍舉觴漫說三生在兜率

不堪十資損華陽

甲申就姻成都

聘錢曾諒寒家素眞誥空焚

內府黃銜

命西行仍返馭梅龕難問手栽桑

往在成都植桑

於梅  
龕

千門走馬笑言譁豈料漂搖感室家

丙戌捷南宮旋聞夫人惡耗

此

日傷神悲奉倩昔年上計悔秦嘉病來愁檢囊中藥老

去慵看霧裏花二十五絃彈不得

世化已二十五年

惟將錦瑟

和哀箏

憶昌紋壘前韻

摧折桐花么鳳皇瑤池清夢晉霞觴落梅風韻工三弄  
刺繡光陰感一陽尙憶臨池染毫素最憐對鏡貼花黃  
六年羽化成彈指已見麻姑海上桑

鳳城燈火鬧喧譁骨肉無多客裏家修到幾生兼福慧

羣推四德美柔嘉每逢至日愁添綫未動秋風惜落花  
女沒於六月  
尚未立秋今夜謝庭懷詠絮聲聲殘漏和清笳

題仲瑀司使山水畫冊

纔拋塵牘便看山心在孤煙落照間回首白雲親舍近  
倦飛一鳥暫時還

夏荷春柳雜秋梧幅幅溪山好畫圖前席新承宣室問  
未應高卧夢江湖

不寐感賦

宵深寒透枕邊戈筆禿無花尙墨磨但覺酒尊空北海  
莫將詩案罪東坡潢池盜弄魚游釜門館人稀鳥避羅



本善堂詩金 卷九  
强起看天天亦醉睡鄉無夢到南柯

和答逸真觀察

藏海藏身祇自嘲幽棲如到孟城圯人情變幻雲迷岫  
歲事綏豐雪滿郊豈有新妝爭粉黛不堪舊曲審金匏  
何當補就天邊石渾噩高風樂有巢

冬夜有懷作示幕客疊前韻

齊物蒙莊當解嘲芥舟杯水尙堂坳高懷雅量輸公瑾  
苦語寒號學孟郊入夢無花生筆管同音有磬和笙匏  
徹桑早屨漂搖計未雨綢繆願結巢

卽事和亭秋韻

雪壓雕檐月款門琉璃榻子護花魂  
茶斟寶盃團龍粥  
香爇熏鑪睡鴨溫  
九日還來人漸老  
一聲歸去鳥能言  
潮頭夜漲寒通枕  
如聽橫河打浪墮

冬夜書懷疊前韻

曾牽黃犬上東門  
別後應銷客裏魂  
渭北懷人吟杜甫  
漢南種柳感桓溫  
豺狼在邑將安往  
鸚鵡窺簾不敢言  
老去一燈還作伴  
舊書可讀覺聲喧

遣興再疊前韻

鳴鑪香燼掩重門  
捲幔推窗捉月魂  
對酒人成三影李  
催詩才謝八叉溫  
旁觀易爛樵柯局  
苦口先儲藥石言

一劍中宵懽起舞雞聲寂寂柝聲暄

和亭秋

南華秋水讀蒙莊金谷還思醉羽觴樂事花朝兼月夕  
隨身劍缺與琴囊兩朝高厚吾滋愧十載艱難汝備嘗  
酬唱綺蘭添韻事詩成七步繞迴廊

示幕客疊前韻

尺五畿南舊 賜莊小園曲水引流觴一官傳舍頻移  
節四海激波喜括囊從古禁中需頗牧祇今門下重原  
嘗南陽籌策資公等坐嘯無妨夜倚廊

答亭秋兼憶紋女再疊前韻

驛路通賓有鄭莊北來不負菊花觴

亭秋乘專車來津適在重陽節前

廿年早結神仙佩三黨羣推女智囊  
柳絮吟懷難自遣  
菜根滋味喜同嘗  
不緣衰病心情減  
一日腸迴九曲廊

閔沅叔學使避暑山莊歌感賦三疊前韻

銷夏天開避暑莊  
九霞曾晉萬年觴  
朝班肅肅聯青瑣  
獨狩忽忽警赤囊  
原廟衣冠斜照冷  
故宮禾黍野炊

嘗

一作弓劍永藏恨茶湯親

先帝賜侍臣嘗

祇今嗚咽灤河水響答霜鐘

繞廊

夜登北臺有感疊不寐感賦韻

中年提劍幼提戈  
老去圭棱強半磨  
竭命未應同玉局

鵷班曾許上金坡  
愁心夜月寒生角  
宦興秋雲薄翦羅  
獨立北臺數星斗  
南飛鵲已集庭柯

和答夢華同年

新詩盟誦喜棗鋪  
歲晚驚寒暑已徂  
南浦有情縈別恨  
北塘無警罷軍符  
未容躡屐探蠶隱  
卻羨收帆下小孤  
寄語白田老居士  
可曾抱子識之無

長至後二日與亭秋夜話聯句

客裏逢長至

筱石

春先啟一陽節因添綫重

亭秋

人爲

惜花忙太瘦嫌裘薄

筱石

無眠覺漏長寒鴉衝積雪

亭

秋

征雁怯嚴霜野菊留佳色

筱石

官梅發古香挑燈情

脈脈亭秋擊鉢韻琅琅寶鴨煙初燼後石明蟾夜未央

懷人公路浦亭秋得淮上書思女右台莊海上風濤烈後石

閨中簫笛揚明年歸計早亭秋片舸渡錢塘後石

與逸真蕃室晴初小舟聯句詠西瓜子用東坡長

### 至日贈安節韻

芸瓜亦有秋落實歡今日後石冰飲時見心茗談資促

膝小舟熱燭鄭榮煩渴愈相如疾癩玉初剖雙餅金可

分一蕃室仁香已入盤藤蔓猶延壁後石已字排雛鬢

勝操戰兒姪蕃室核鑽殊李桃味美壓榛栗逸真遊戲

亦爲燈礪牙堪比石晴初邵陵種旣佳哈密貢方畢逸

眞  
颺慶衍縣縣天漿祈一滴

筱石

寄答潤甫長至見懷

十年峻望總烏臺眼底滄桑又一回  
卻掃知君珍敝帚  
圍鑪笑我撥殘灰  
藥扶衰病愁方誤  
詩待推敲禁鉢催  
不共唐花鬪顏色  
孤標落落廣平梅

十一月二十九日焚寄昌紋

天上汝應開夜譙  
人間我尙戀麤官  
十行書札無從寄  
相見時難退亦難

父愁似草芟難盡  
母瘦如柴病不輕  
汝縱長生親已老  
神仙况復是虛名

題吳子鼎大令竹洲淚點圖

門蔭延陵舊艱辛話竹洲未亡心半死茹痛淚雙流  
機錦千絲恨書燈五夜愁鰥生亦孤露雲白空悠悠

和答安甫同年消寒二首

尺五園鄰閬苑東寒消九九素心同豪情廣坐看浮白  
舊夢斜街踏軟紅久別思君愁月落不才笑我太冬烘  
一陽生後春來早次第花番數信風

濁世生涯付酒杯風情近日減方回未忘鄉味千頭橘  
復見天心數點梅在昔鴻名滿戈壁祇今駿價重金臺  
留侯智略河汾策高會應多將相才

兼謂張振卿總  
憲王爵生侍郎



和答龔省吾觀察武昌

脫卻朝衫自在閒  
宦途風味已全刪  
諸孫繞膝甯非福  
萬事於心總不關  
白髮譚經人未老  
青雲倦羽鳥知還  
多公獨有千秋業  
衆口刊碑徧皖山

遣興寄省吾觀察

買宅休嫌近半閒  
聖湖游興未曾刪  
地無可避思浮艇  
心不能禪學閉關  
絲竹陶情中歲感  
枌榆回首幾人還  
在山本是清泉水  
濁比黃流誤出山

和答汲侯病中遣興

扶病猶堪坐菊叢  
香留晚節養疏慵  
畫簾隱隱春光漏

官鼓鑿鑿臘意濃我輩綠醅須縱飲幾人墨敕誤斜封  
菜鐺茶竈多珍重莫使朱顏減舊容

寄琴初觀察

蓮池一水正當門洗濯冰心印月魂六法書名義與獻  
兩家詩派李兼溫似聞賈誼空悲憤早識君房妙語言  
回憶玉堂清要地鴻臚親聽五聲喧

程忠烈公遺像題詞

紅旗十丈金閨復東南破賊如破竹衝鋒陷陣蓋有神  
十萬豕狼不敢突李侯善將公善兵指揮若定山嶽驚  
一將功成八王死姑蘇城是受降城嘉興血戰歸骨早

報國公竟塗肝腦刁斗霜寒光弼營靈纛雲捲倫敦

島公沒後洋將戈登以公手製旗幟達寄倫敦沙場醉卧幾人還齋志恨未

窺倭韓鴨江水綠士氣墨回思道濟涕洟瀾平壤一役李文忠曾

語人曰程忠烈若在何至有今日之敗我昔姑胥秉旄節曾款崇祠弔毅

魄三吳士女慶更生香火年年神來格千秋遺像付獅

兒展圖虔拜褒鄂姿納降殺降英雄膽想見橫刀躍馬

時

雪後藏海園憶女聯句

雪後園林淨掃塵筱石尋梅忘卻病巾身紅樓日近晴

光灩亭秋碧沼冰融冷意馴合坐一尊澆塊壘筱石昨

宵六出滿郊闌右台回首增惆悵

亭秋

不見庭前詠絮

人

筱石

和安甫消寒二集韻時津門雪深沒脰頗動歲晚

天寒之感

粉本乾坤一草廬藐然中處學橫渠茶烹丹鼎香初熟  
書對青燈味有餘縞素生涯寄孤鶴纏綿情緒託雙魚  
勞勞塵海茫無岸幻市都成蜃氣嘘

綠尊浮蟻醉醇醪歲晚吹幽詠獻羔熟西喜逢三白兆

拜庚愧拾六經糟千金然諾延陵劍

新開袁清泉  
觀察之計

廿載

心交范叔袍

丁文誠公會贈布裘一襲至  
今尚衣之忽忽已三十年

百尺樓依園

尺五元龍意氣不堪豪

題章价人太守銅官感舊圖

赤手能回建業春相公珍重百年身誰知寂寞湘江裏  
猶有扁舟一故人

舊壘蕭蕭不記年惟餘落照與殘煙從今怕讀龍蛇句  
縣上旌功尙有田

老去津門百感并外慚清議內神明辦香台奏迎神曲  
彷彿寒蘆戰伐聲

江山無恙續前遊忍向西風哭故侯我展此圖三太息  
名臣名士各千秋

窗前水仙盛開作此美之

凌波冉冉出天然喜結三生水石緣不共幽蘭傷歲暮  
好隨綠萼占春先寒依冰硯朝迎旭煖入燈花夜鬪妍  
十丈紅塵飛不到知君骨相本神仙

嫋嫋精舍與亭秋影照

名園相對意相親雪後風光病後身嫋嫋疏煙簾外影  
蕭蕭短髮鏡中人寒分翠竹三竿色香透紅梅數點春  
惆悵絮庭吟事寂難從瓊島問含真

越日復與蕃室愼夫晴初小舟言伯性之藻廷諸  
君影照戲賦此詩

娜嬛雪後豁吟眸已有飛鴻爪指留一老尙存松柏性  
七賢如共竹林遊鑪邊心事簾邊影鏡裏池塘畫裏樓  
欲向歲寒堅晚節梅花香問幾生修

祀竈曰王叔魯司使見贈吳梅村王貽上朱竹垞  
宋牧仲四家詩集作此致謝

南北詩壇壘尙新四先生後孰傳薪放衙我是鈔書吏  
饋歲君非媚竈人彝鼎如陳三代器梅花先到數枝春  
窗前梅花盛開一朝開國風騷主學海無涯漫問津

寄答子原觀察蘇州

曾裁官柳徧開門別後思量總斷魂遠道尺書憐我病

何時尊酒待君溫  
蟲號東野多寒語  
鵲化南圖詎寓言  
料得白蘇祠畔路  
兒童竹馬頌聲喧

一年將盡萬里未歸卻寄少石大兄廣州

頻年宦轍各西東  
爆竹聲喧歲已終  
位業又從新歷起  
容顏可與少時同  
臘梅萼寄一枝綠  
棠棣花開兩地紅  
聞說海南春事好  
頻濱翹首羨坡公

除夕對昌紋遺照有感

人天一別太匆匆  
六載相思泡影中  
努力已看今夕盡  
甯馨誰與此兒同  
雪侵蒼鬢催吾老  
曲度紅牙愛汝工  
除口有情除不得  
海山縹緲夢魂通



松壽堂詩鈔卷八